



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Variis Generibus, Causis, Atque Exitu Persequutionum,  
Quas pij hoc in mundo peregrinantes patiuntur**

**Lens, Jean de**

**Lovanii, 1578**

Haereticos & irrequietos & contentiosos esse solere. Cap. 22.

**urn:nbn:de:hbz:466:1-30324**

DE VARIIS PIORVM

*In epist. ad Marcū presbyterū Cædensem.* venissent. Quid? quòd claros sapenūmero episcopos, tanquam de ecclesiæ fastigio, hæc tempestas deturbavit? quòd sanctorum monasteria, & cœtus, velut excitato incendio, subinde hauserit? propterea enim querebatur S. Hieron. & inter choros angelorum aspides latere, & de cauernis cellularum damnari orbem, atq; eos ipsos, qui in sacco & cinere volutabantur, de episcopis catholicis ferre sententiam.

*Hæreticos & irrequietos & contentiosos esse solere.*

CAPVT XXII.

*In eadem epistola.*

*August. epistola 119.*

*Lib. 16. de ciuit. Dei, cap. 2.*

*Cap. 17.*

**Q**VORVM quàm ei fuerit persecutio molesta & grauis, exprimit. Non mihi conceditur, inquit, vnus angulus heremi: quotidie exposcor fidem, quasi sine fide renatus sim, confiteor vt volunt, non placet: subscribo, non credunt, vnum tantum placet, vt hinc recedam. Iam iam recedo, abruperunt partem à me animę meæ, charissimos fratres. Ecce discedere cupiunt, imò penitus discedunt, melius esse dicentes inter feras habitare, quam cum talibus Christianis. Semper enim inquieta est hæreticorum animositas: & sicut conciliatus ac placatus Spiritus sanctus, requiem præstat mitibus & humilibus corde, ita contrarius & aduersus, immites ac superbos, inquietudine exagitat. Hos proinde non immeritò D. Augustinus, in medio Noe filio præfiguratos intelligit. Cham enim, vt ait, interpretatur, calidus, mediūq; erat filius, tanquam se ab vtroq; discernens, & inter vtrunque remanens, nec in primitijs Israelitarum, nec in plenitudine gentium. Quid igitur hic, ait, significat, nisi hæreticorum genus calidum, non spiritu sapientię, sed spiritu versipellis astutię? quòd solēt hæreticorū feruere præcordia, & pacem perturbare sanctorum. Idcirco enim & pernici similes fieri, à grauissimis existimantur authoribus, vbi scriptū est per Hieremiã prophetam: Perdix fouit quæ non peperit, fecit diuitias, & non in iudicio, in dimidio dierum suorum derelinquet eas, & in nouissimo suo, erit insipiens. Auem quippe hanc ferunt plenam esse doli, fraudis atque fallacię: quæ decipiendi venatoris vias calleat, atque artes nouerit, vt eum à pullis auertat suis: quem si insistere aduerterit, illudere tantisper, dum soboli fugiendi signum tribuerit atq; potestatem: & hanc vbi euasisse senserit, tum se quoque ipsam subtrahere, & lubrica arte deceptum insipientem,



stantem, relinquere. Fertur etiã promiscuæ esse permixtionis, vt in fœminas, summo cum certamine, mares irruant & vaga caleſcant libidine. Itaque impuro & fraudulentò & maleuolò animanti, non diabolus modò (quod D. Ambrosius fecit) verum etiam ministri eius hæretici (sicuti ab Augustino & Hieronymo factum reperimus) aptissimè comparantur. Contentiosum enim hoc genus, & mirè insidiosum est. Non enim disputare amant hæretici, sed quoquomodo superare impudentissima pertinacia. Vnde crebrò factum est, vt cum ex certaminibus, victi confusi que, abiissent, se tamen apud suos vicissè, ore impudentissimo clamarent. Sic enim olim Pascentius comes Arrianarum partium, cum iratus & furens ab eo congressu, quem cum S. Augustino inierat, recessisset. Mendacia, inquit Possidius, multa pro fide sua falsa iactabat, victum esse à seipso proclamàs multorum ore laudatum Augustinum. Alias rursus cum Maximino quondam Arrianorū episcopo multis postulâtibus cõtulit, aduersariumq; certa diuinarū scripturarū autoritate reuicit, quẽadmodum ab eruditis potest ex ipsa collatione scripta iudicari. Sed ille hæreticus Hippone rediens Carthaginem, ac sibi mirificè de sua loquacitate complacens, victorem se ex congressu rediisse secura iactatione prædicauit. Hæc verò eò faciūt, vt (quemadmodum scriptura dicit) congregent que non pepererunt. Christianos enim quos maxime Christi nomine seducunt, iam per ipsius Christi euangelium natos inueniunt, & faciunt illos diuitias suas, non sanè cum iudicio, sed cum temeritate inconsiderata. Non enim intelligūt ibi esse veram & salubrẽ, & quodammodo germanam atque radicalem Christianam societatem, vnde istos separauerunt, quos ad suas diuitias congregarunt. Et quia de talibus dicit Apost. Sicut enim Iannes & Mambres resistunt Moysi, sic & isti resistunt veritati, homines mente corrupti, reprobi circa fidem, sed vltra non proficiēt, dementia enim eorum erit manifesta omnibus, sicut & illorum fuit. Sequitur quoque hic Propheta & dicit: In dimidio dierum eius derelinquent eum, & in nouissimis suis erit inspiens, id est, Qui primò tanquam per pollicitationem & ostentationem excellentis sapientiẽ seducebat, erit inspiens, id est, patefactis fraudibus apparebit inspiens.

*Ambro. epi-  
stola 48. ad  
Ireneum.*

*Aug. tract.  
de pastoribus,  
cap. 12.  
Hierony. in  
epistola ad  
Cresiphontem.*

*In vita B.  
Augustini*

*Aug. lib. 13.  
cõtra Faust.  
cap. 12. et 13.  
de perdice.*

*Queria*